


永新縣志

250.159  
38  
28





永新縣志卷十六

人物志

列傳 隱逸

儒行 列女

文學 壽氏

忠節 方伎

義烈 寓賢

孝女

善行



士人讀書懷古見有功業彪炳文行卓絕者輒流連往復企慕之惟恐弗及矧其為桑梓之賢哉邑自五季而後名臣碩儒與夫忠孝節義下及偏長薄技之士代有傳人紀載彰彰已其或志乘所未備而散見他書者旁徵博採俱足為鄉邑重卽姚牛諸公芳躅所留亦復後先輝映生斯地者志切景行安在今必異於古所云耶作人物志

列傳

南唐

永新縣志

卷十六

人物志

列傳

一

蕭儼字茂輝幼竒敏十歲詣廣陵以童子擢第稍長授秘書省正字烈祖初改刑部郎中精研法比廬陵民有冤獄儼齋戒禱神竟雪之遷司門郎中判大理寺烈祖晚服金丹多暴怒迨臣數被譴罰宜徽副使陳覺不自安稱疾者累月及宣遺制遽出儼劾覺端居私室以竢升遐請按其罪弗許初烈祖相吳禁私買奴婢至是馮延巳與弟延魯於遺制中記其禁儼駁曰此非大行之命必延巳等所為者昔延魯有此請先帝訪臣臣對言陛下為吳相時聞民鬻男女立出府金贖歸之故遠近懷德今臨祚卽反之可乎先帝斜封延魯章抹三筆持入宮此必尙在及索之果得江文蔚韓熙載建議烈祖稱宗儼獨言中興之主廟



宜稱胤先帝興已降之業不宜屈而稱宗遂用其議遷大理卿  
兼給事中元宗二年中辰勅齊王景遂奏決庶政羣臣惟樞密  
副使魏岑查文徽得白事餘非名對不得入儼上疏畧曰元帥  
開府人猶驚駭况委之大政而羣臣不得時見中外隔絕奸人  
得志非陛下之利也不報又於宮中作高樓名侍臣觀之衆皆  
歎美儼曰恨樓下無井問其故曰以此不及景陽樓耳元宗怒  
貶舒州副使觀察使孫晟防之以兵儼曰儼以諫諍得罪非有  
他志昔顧命之際君持異議幾危社稷其罪顧不重於儼乎今  
日反見防耶晟慙遽罷之儼於後主時入白事後主方與嬖倖  
奕不之顧儼前請欽局後主怒曰汝與魏徵孰賢儼曰臣不能

永新縣志

卷十六

人物志

列傳

二

爲魏徵陛下亦非太宗矣後主爲罷奕宋平江南儼謝病不出  
卒年七十餘

參南唐書人物錄

按齊王景遂決政及宮中作樓事俱係元宗時舊志作後主時  
誤

周彬自少刻厲誦讀不治產業其妻讓曰君兄弟皆力田致富而  
君獨翫故紙取困耶彬笑曰農力田而士務學業各有執非爾  
所知也時南唐烈祖鎮金陵招致文士彬獻所爲文烈祖善之  
會禪代祀南郊彬著郊望論以獻廣陳前古得失辭多規諷署  
諸衛巡官元宗在東宮介書辟置門下賜予優渥告歸省母以  
所賜金帛陳於庭謂妻曰比伯叔田畝孰愈妻曰此男子之事



非婦人所能知時邑人尙有慢侮之者彬嘆曰昔魯人俚孔子謂之東家某者果然入金陵爲大理司直憂歸謁令直造其廳署令曰君雖朝省直僚如桑梓何彬怒自誓曰吾不歸令於茲有如白日服闋詣建康以前官歸宰令覲顏而去爲政廉平恩仇不錄有爭訟者以理和解之秩滿邑人詣郡乞留歷七考後主以銀章茜綬寵異之屢遷尙書郎出授武昌節度掌書記守江夏令卒於官

參馬陸南唐書江南野史人物錄

郭鵬世業儒時南唐始開科取士鵬中第授楊子尉尋遷廬陵令轉大理屬曹與大理卿蕭儼同按南平王鍾傳夫人與僧姦事獄奏誅之人服其決于昭慶

人物錄

永新縣志

卷十六

人物志

列傳

三

按馬令南唐書載鵬決獄事與此相反然人物錄旣爲立傳必有所見姑存之

昭慶博通經史擬元經作唐春秋三十卷治書五十篇辭多援古諷今保大中獻之爲左右所沮俾就舉進士昭慶不平復上書得名對補楊子尉不受歸家忤邑宰宰啣之會閱編戶乃籍昭慶爲新擬軍昭慶復走金陵再獻經國治民論各十餘篇述汭江要害守禦之處及東海隅可拓之畧後主悅之遂署著作郎開寶中歲貢方物歲表及使命廷勞燕餞之辭一出昭慶手宋朝詣公亦推其辭藻而徐鉉徐鉉嫉之暗令其姻客李師義置鴆於酒殺之前所獻治書內有禁絕三篇多天文孫吳之術及



經國論等篇皆行於世惟唐春秋為鉉錯所匿參南唐書人物錄

按昭慶獻經國治民論舊志作元宗時馬陸南唐書俱作後主

時今從之

李續安志續作續註廬陵人俱誤字繼宗少不事生產專志儒業常讀書廬山

學成遊建業會宋師南攻丹陽昭武軍節度留後盧絳辟續掌

記授宣教郎江南既入宋續隱居不出推所學教授鄉黨郡倅

温仲舒向敏中慕其賢皆勸之仕終不起年九十餘卒萬歷志

按南唐書是時盧絳為昭武軍節度留後而潤州節度使乃劉

澄也萬歷志誤今改正

宋

永新縣志 卷十六 人物志 列傳 四

尹承諤初事南唐中主為衙官常陳便宜禁絕私謁後主時授本

邑制置兵馬監押將士樂為之用及江南平首奉吉州牌印入

宋授左侍禁太宗嗣位轉奉官會計邊運潔已奉公太宗嘉

之令巡環慶還奏鄭州商稅欺弊因使按治得吏盜官錢十餘

萬緡死者二十人自是凡正官盜錢無問多寡皆處死遂著為

令太宗嘗嘆曰此老子終惟朕使參省志人物錄萬歷志

龍錫字琢成乾德中任邠州守舊志作郴以仁廉為政民感其德致羣

鶴來翔之異子暹雍熙乙酉宏辭科任江州司戶其裔孫德厚

起嘉定授萃科任翰林承旨出守潭州有善政端平間復以舊

官名用萬歷志



按舊志龍蠲乾德中任郴州守攷乾德間南唐奉宋正朔郴州地屬南唐似宜作南唐人查萬姓通譜載爲邠州守又尙集乾隆志作彬州守邠彬同音恐卽邠字之訛乾德中邠屬宋則又似宜入宋姑存俟考又按宏辭科宋哲宗紹聖元年始置舊志以遲舉雍熙乙酉宏辭科恐誤

段鵠字正已少師事廬陵劉譔又與瑯琊王儼建陽李寅及孟歸唐等入廬山國學讀書十餘年爲文博綜經義詞事有據不爲浮濫登端拱二年進士第以大理丞判大名府甚爲執政向敏中所知

參人物錄萬歷志禾川書

段惟修慶歷二年進士除殿中丞廣州倅經略廣州兵亭討儂賊

永新縣志

卷十六

人物志

列傳

五

征交趾治餉多勞績仕終通議大夫兄惟億天聖八年進士任

靈山令

萬歷志

劉沆字冲之其先世景洪嘗有功於邑因名所居北山曰後隆山山有唐相牛僧孺讀書堂父素卽故址築臺號曰聰明臺沆母夢衣冠丈夫稱牛相公來遂生沆生時出紫霧三日因名其地爲紫霧源及長侷儻有氣槩舉進士不第自稱退士不復出父力勉之天聖八年擢進士第二授大理評事通判舒州州有大獄累歲不決沆數日決之章獻太后建資聖浮圖內侍張懷信督役巖峻州將移疾不敢出沆奏罷之遷太常丞直集賢院出知衡州大姓尹氏欺鄰翁老子幼欲竊取其田乃僞造賣券及



鄰翁死遂奪而有之其子訴於州縣二十年不得直沈至復訴之尹氏持積歲稅鈔爲驗沈曰若田千頃歲輸豈特此耶爾始爲券時嘗如救問鄰乎其人固多在可訊也尹氏遂伏罪遷大常博士歷三司度支戶部判官同修起居注擢右正言知制誥陝西用兵見執政自事極言得失執政不悅曰須舍人行之沈曰宰相豈有常哉時來則爲之耳未幾判吏

奉使契丹館伴杜防與飲有邀求之言後之復強以

袖起叱之坐是出知潭州又降知和州改江州值蠻寇鄧和尚誘溪洞諸蠻擾湖湘陞爲右諫議大夫龍圖閣直學士知潭州兼安撫使許便宜從事沈大發兵至桂陽招降二千餘人使散

永新縣志

卷十六

人物志

列傳

六

居所部而蠻酋降者皆奏命以官又募土兵分捕餘黨破桃油平能家源斬馘甚衆已而餘黨復叛殺裨將胡元坐降知鄂州徙京南遷給事中徙洪州還知審刑院改知永興軍頃之以龍圖閣學士權知開封府數發隱伏權近畏之祀明堂遷尙書工部侍郎踰年拜叅知政事前此政事多決於宰相叅預者備位而已沈旣拜命有利害輒廷議多所救正梁適罷相拜同中書門下平章事集賢殿大學士時二府任官多用例沈進言三弊請詔中書樞密凡三事無用例餘聽如舊事旣施行而衆頗不悅循如舊文彥博富弼復相彥博爲昭文館大學士弼監修國史沈遷兵部侍郎位在弼下論者以爲非故事乃帖麻改沈監



修國史沈在相位逾年稍爲臺臣所攻罷爲觀文殿大學士工部尙書知應天府遷刑部尙書徙陳州沈雖未及久任以竟所施然當時賢才多所薦引歐陽修被讒出守沈薦修唐書留爲翰林學士又引富弼共政勉以盡瘁弼終身德之仁宗春秋高未有嗣會不豫與彥博弼同宿禁中因請建儲以定國本卒立英宗嘉祐五年薨於陳州喪過國門仁宗製挽章以賜詔贈左僕射兼侍中御篆碑首曰思賢之碑元豐三年神宗覽故家裔臣奏思沈定策勛遂與彥博弼一時並加恩不以沈沒遺焉追贈大師充國公子瑾孫備備俱先後擢第有聲

參宋史人物錄

按呂惠卿劉楚國公神道碑追贈大師充國公無謚人物錄云

永新縣志

卷十六

人物志

列傳

七

沈薨詔贈左僕射兼侍中楚國公謚文安禾川書云考史傳及神道碑文雖未言封楚國公然觀胡澹菴撰景範弟墓誌銘稱從父翼前室吉水解氏早亡繼室永新劉氏丞相楚公之孫女瀘瀟集劉堯京王夢授劉德章諸墓誌皆稱永新丞相劉楚公則當日實封楚國特不知爲何時耳且本傳明有張瓌草詞詆沈其家不敢請謚之女張瓌傳亦云然神道碑載沈治命曰吾如不諱無邀恩無請謚而下云其孤承其意周益公三忠堂記亦謂沈之在朝列名著在勳臣之令而謚則未聞于瑾孫備俱位待制迄不得請不知人物錄何所據而云謚文安也

劉瑾字元忠初父沈辭賜溫成閣中金器請瑾試學士院遂帖職



嗣登進士爲館閣校勘沈亡得褒贈知制誥張瓌草詞語涉譏  
貶瑾泣涕不食闔門哀經邀宰相自言朝廷爲改書命黜瓌爲  
州瑾亦坐衰服入公門罷職喪除不就官丐守墳墓王素爲請  
以申孝子之志詔復職遷集賢校理通判睦州爲淮南轉運副  
史召修起居注加史館修撰河北轉運使拜天章閣待制知瀛  
州改鎮廣州與樞院論戍兵不合改虔州宏簡錄戰擢都監楊  
從先奉旨募兵不至擅遣其子懋糾諸縣巡檢兵集郡下瑾怒  
責之懋訴瑾於朝遂罷踰年復以符制知江州歷福州秦州成  
德軍卒瑾素有操尚所蒞以能稱嘗築滹沱河竟事不自言功  
其他異政尤多宋史

永新縣志

卷十六

人物志

列傳

八

劉憫瑄子

舊志作瑾次子

崇甯進士以文章著名善書追法古賢文士翁

然宗稱之仕終徽猷閣待制

萬歷志

龍思初名總又名無隱家孫也舉熙甯庚戌進士升大學洪文館  
任宣義郎初受學於臨川王文公嘗爲釋了元作雲居藏記蘇  
長公曰龍君筆勢超然雖老拙何以加時新法方行思上文公  
書力言其不便遂忤意出爲建昌戶曹承奉郎參萬歷志龍鐵  
之世系考

左書言祖鄴唐光化初宦衡州司馬秩滿道經永新時值多故遂  
寓邑逢橋家焉四世至孫顏擢第爲殿中侍御史書言顏從弟  
也登元豐五年進士任鄧州教授振學興才括廢田三十頃以



膳生徒經術倡明士譽歸之後宰陝之平陸以寬得民蝗嘗過境弗入有詔褒嘉仕終朝奉郎監察御史慶延暮譽師名皆其族也

萬歷志

尹躬字商老博文強記其登科時年甚少復中法科繼聞以法科進者不大拜悔之不受省劄宣和中登進士紹興間主本邑簿事作新縣學士以振奮繼宰臨江之新喻每治事聽吏民坐兩廡縱觀道疑滯訟剖決如流廡下人撫掌稱贊復禮者老正風俗不畏強暴民有去思改江西憲副決獄至吉水有繫逋賦者十餘人舊志誤作千衆男女共貫索聞躬至密置他處躬廉知盡釋之所著有易解冬官解文集若干卷官終正郎參人物錄獨醒雜志

永新縣志

卷十六

人物志

列傳

九

按尹商老名躬安福人物志作安福東鄉誠門人考商老政和七年舉於鄉宣和三年成進士省府志選舉人物皆作永新而安福選舉志并無其名且躬作永新儒學記有云躬永新人也廬陵曾敏行與躬相友善著獨醒雜志有躬傳亦作永新人其非安福人明矣

劉彥登字允升由舍選登進士嘗校文淮南得人最盛狀元李易其一也後提兵討虔寇招撫餘黨郡境帖然歷官三十年多善政仕終朝請大夫漢陽知軍所著有竹溪文集

人物錄

龍溥字德敷中徽宗政和三舍法再薦登建炎戊申第

萬歷志誤作戊午

任道州江華簿尋遷會昌令時尉兵作亂溥急捕其首論治之



臺省嘉其有應變才擢慶遠軍節度判官工詩詞有拙翁集行世參萬歷志龍體剛世系考

左慶延年十七登紹興戊辰進士秦檜欲妻以孫女力辭不就或曰不利慶延曰士一失身則無以復立苟不利退而山林亦自多矣坐是久不調仕終承奉郎大學博士所著有澹軒稿胡應春序之曰觀其與晦菴書推明義理問辨反覆必極其底止則所重當世不但以文也彼得行其志見於事功其斥奸排佞豈止辭婚權秦而已哉邑宰趙會夫亦稱其奏議有契丹之信不可渝女真之暴不能久以為至論而誥表書辭精密淹該又與先輩相頡頏孫利見舉江西第一僉都御史鼎亦其裔也參人物錄

永新縣志

卷十六

人物志

列傳

十

萬歷志

龍時蜚中紹興間拔萃異科授翰林供奉時權宰專政時蜚於眾中詆議之無少避拜給事中操秉愈堅後歷翰林承旨賜紫萬歷志

歐陽旻字彥昭隆興初在新化簿儒雅樸素蒞政公勤常著畫心錄以見志進承務郎致仕去時相欲留之不可遺以書云精神尙壯年亦未老遽還官政古今所難執事獨易為之高風凜然足以律貪激懦其卒也胡忠簡公銓誌其墓人物錄

張綱字德堅別號紹祖肇從子淳熙進士歷官靜江司戶廣州司理參軍常德教授永平縣令福州通判還朝為宗正丞出知郴



州未赴卒積階至朝奉大夫綱在靜江時靈州有殺人獄歲久  
尸壞不決綱指其髻下傷立訊服濬大渠爲陂堰溉田五千頃  
隨旱澇節其啟閉永平蠻獠相仇殺以爲常綱威愛兼用卽江  
湍險創浮梁以濟俗尙巫鬼疾則屠牛祭神綱教以醫藥將代  
邑民及蠻酋相率詣帥守監司乞留在宗司時裁冗蠹裕公帑  
宗子敬之改郴入對言薦舉不及廉靜善最多出經營文體未  
純士風未篤詔書寬大而州縣侵漁名爲和耀而實則科歛諸  
軍老弱戰艦蠹敝宮祠泛濫民力凋瘵凡九事上嘉納之尤爲  
范文穆公成大所知家藏書萬卷謝尙書講纂孝史綱捐貲刻  
之又自類編宋列聖孝治自帝一述臣庶蕃夷總一百卷表上

永新縣志

卷十六

人物志

列傳

十一

之所著有橫江鼓稿七十卷子

明參人物錄萬歷志

潞字東之兩領江西漕舉繼國子監舉蔭授鄱陽簿改桃源宰擢  
倅八桂大尹尙書胡觀甚重之知昭州條奏便民三事悉施行  
民有去思仕至朝散大夫年九十卒著有龍川集子修

萬歷志

淵字明之力學有賦聲屢試薦首嘉祐開蔭補迪功郎開禧丁卯  
魁江西漕省初簿江華憲使胡綱及京西帥楊九鼎皆羅致幕  
下漕使趙方號知人首委以事措置有方後宰新建方時爲制  
帥復辟宰江陵終承議郎所著有東巖稿

萬歷志

修字子修少承家學歷官所至有能聲丞相吳潛薦之朝景定庚  
申

舊志作庚子

宰茶邑適衡寇竊發倉廩匱詘乃捐貲糾壯士協官



兵力守孤城以爲江湖屏蔽論功進秩奉議郎賜緋終帥司秦  
議 萬歷志

左暮字元規以春秋三傳舉第開禧乙丑進士爲人豪邁負志氣  
使金不辱君命教國學能振士風嘉定己卯金人南侵黃岡爲  
沿江要地當兵衝以暮任廉察往來數年城堡完固邊烽甯靜  
朝廷賴之未及召而沒贈奉議大夫直寶文閣民思其遺愛祠  
而祭之有坦齋稿若干卷從弟譽以忠節著 人物錄

尹冲鄱陽侯裔也嘉定間爲房州竹山令有惠愛秩滿歸鄉子孫  
號竹山尹氏 人物錄

左師名登嘉定癸未進士爲人廉介靡阿比仕其操愈厲守新州

永新縣志

卷十六

人物志 列傳

十二

邵船貢不取委公俸不取秩滿請祠主管台州崇道觀

萬歷志

龍升之字子崇博學好著述遊真西山楊東山之門兩試鄉漕舉  
陳愷帥九江禮聘任以事遂建永新築城之議邑民至今賴焉

奏名調臨川戶曹京尹趙與權表監酒場嘗修中興政要書成  
授從仕郎除福建帥司節幹在幕修宋帝學增釋二百卷再循  
資轉儒林郎史館校勘改通直郎卒京邸姚希章狀其行與權  
取諸語表墓道日忠勤先生郡守李義山援陸象山例立祠於  
學宮祀之 萬歷志

龍森思之裔累世攻儒至森益振起其業嘉熙丁酉進所著春秋  
三傳評授登仕郎誥詞以孫明復望之再以所續唐書進上嘉



其能扶正統得邵氏皇極經世遺意命加授廸功郎誥詞又以  
劉恕勉之用奏補選例仕新淦縣尉

萬歷志

胡幼黃字成玉咸淳甲戌進士第三人時伯顏會師南伐德祐嗣  
位冲幼宋取士止是科矣其榜狀元王龍澤次路萬里又次幼  
黃時有三不得之謠謂龍在澤飛不得路萬里行不得幼而黃醫  
不得幼黃既第授節度推官宋亡遂退居山中創讀書樓日呻  
諷其中元世祖用留夢炎等議令所在搜求宋遺士以聞龍澤  
起爲監察御史獨幼黃要其同榜士豫章熊朋來安成劉應鳳  
皆避匿不出朋來應鳳第幼黃後又聯名皆江右士也時論避  
之參人物錄萬歷志

永新縣志

卷十六

人物志

列傳

十三

劉友益字樂三家貧好學爲人傭書以給膏火或竟夕危坐默誦  
不少休積數十年經傳子史天文地理律歷象數靡不淹貫宋  
末兵亂友益被刃伏積屍中閱夕里人求獲負歸遇善藥得不  
死卜築萬山間杜門著書不與世接著通鑑綱目書法五十九  
卷揭文安公僎斯序之謂昔之知春秋莫如朱子世之言綱目  
者非深知朱子意如朱子之知春秋者不能言能言未有如劉  
子綱目書法者也書法之作積勤三十年寸較銖評其微詞隱  
義不但啟千載之秘中益有亡窮之憂其志可謂遠也已矣天  
歷中邑進士馮翼翁傳其書至京師國子先生得之大驚曰昔  
者玉道衰而春秋作春秋隱而綱目興書法不作綱目之義又







鄉舉人稱所居巷爲雙桂巷其後翼翁登第以科斗文賦擅聲授漢陽縣丞歷官撫州守其所著述於經有春秋集解春秋大義士禮考正性理羣書十七卷於史志有通鑑小錄考索類要正統五德類編三十四卷於子傳有五子旨要古書正譌讀書纂要法家源流異政錄十一卷於文章則合左傳戰國策史記漢書韓柳歐蘇八家爲文章旨要八卷所撰詩賦序記銘贊雜著二十卷獎翁未第而終亦以文學與弟齊名同郡劉岳申誌其墓謂永新以三馮瑞其鄉翼翁子寅賓屬文蒼古峭拔書法清勁逼鍾王今有馮氏僅存稿蓋三世顯儒業矣

參元史人物錄萬歷志

按李昌祺三馮僅存文稿序大馮諱獎翁小馮諱翼翁楊士奇

### 永新縣志

#### 卷十六

人物志

列傳

十五

序亦云魯山二子長獎翁次翼翁人物錄及縣府志皆以獎翁爲弟誤

吳師尹字莘樂至正進士授永豐丞大書廳事以報國不欺自勵政化大行秩滿當去民歌之曰我有田疇我旣治之我有徭役誰其除之丞哉丞哉豈弟父母更我戶籍免我荼苦子子孫孫與箠楚辭丞茲去矣如何勿思受代將行適歲大歉府檄如他郡乞糴師尹請之贛贛守重其賢爲出粟二千石助焉民賴以活後攝廬陵丞鞠死獄活良民六人與考江西湖廣鄉試所取多佳士時元季多故棄官不出徜徉山水間賦咏自樂詩勁宕蒼老後進多師之居桂岡學者稱桂岡先生子孟勤仲謹能世







不能措辭急捧手加額呼曰陛下不可帝察其樸誠從之未幾致仕卒於家

明史人物錄

張叔豫字順動錮之裔也永樂三年鄉試第一明年成進士選翰林庶吉士與修永樂大典大擅時名朝士多重之出判安慶平權量禁奸蠹臨政之餘進諸生教誘率有成材居常蔬食無改禁垣清素郡人以張翰林呼之坐望誤得直命督工房山遭疾卒叔豫學問克贍居家孝友平生不苟取予精易學鄉士若劉如貴彭學用劉邦善戴禮歐陽奎陳致中出其門者皆有名於時又與李伯尚劉髦友善邑稱三君子所著有忍菴稿藏於家

參人物錄萬歷志

永新縣志

卷十六

人物志

列傳

十七

按舊志以叔豫與劉孟恂李伯尚友善稱禾川三君子而吳綽與段原中同時其遷生傳又稱原中與劉李兩君號三君子未知孰是姑存俟考

李伯尚字尚翁介特有守通古文詩歌字畫方勁類其為人登進士疏乞還鄉侍養人皆賢之禾川三君子伯尚其一也所著有清溪文集藏之家子瓚琦孫森皆傳其春秋經爲教官兵科給事中鈞亦其裔孫也

參人物錄萬歷志

張景良以書領鄉薦爲懷遠教諭成祖詔舉天下教官學行兼優者入試文皇大孫講讀官時廷試五百人拔其儒得八人景良與焉授國子博士進四書直解仁宗嘉獎之授右春坊司直郎



賜勅褒諭謝事歸省掃起爲順慶通判時中官入蜀採辦以在東宮時嘗受學於景良取府所歛民金五百兩遺之景良受焉悉以還前所歛之民或難之曰孰若先拒之足全公廉名良曰斯皆吾民膏血也豈忍借是以沽廉哉言者愧服孫瑛以鄉薦教桂陽清介有祖風

萬歷志

劉髦字孟恂幼通經史大義長益勵學嘗受易於廬陵謝子方子方大奇之既領鄉魁遂不求仕究心經術窮極洛閩指要鄉邑來學者無不各成其材事母孝待寡女兄如母迎養於家及從兄之無後者四人課耕自食環堵屢空泊如也歲饑疫民僵死蔽道髦率僮掩瘞時有遠歸病劇者舟人舁棄里中祠髦遺以

永新縣志

卷十一

人物志

列傳

十八

湯藥弗治見其橐有遺貨求識其人者歸之有李某冒爲弟取貨去因以殺兄誣其鄰指髦爲証被逮至傾產或嘆曰行仁義乃得禍耶髦笑曰事固有然者矣平居以聖賢爲師一介不輕取予學務躬行不事談說其於道德性命之際蓋亶亶焉學者卽所居稱爲石潭先生所著有覆瓿集示兒錄易傳撮要修身箴石潭存稿行世子四人俱仕顯而定之尤爲名臣

萬歷志

志俱失載

定之字主靜號呆齋自幼天資絕倫父髦日授之書數千言不令作文一日偶見所爲祀竈文及咏桃漿詩大異之嘗謂此子有



八面受敵之才宣德乙卯領鄉薦明年會試第一廷試賜進士  
第三授翰林編修正統己未京城大水詔求直言條陳十事其  
一言號令之出宜公正不可苟且數易其二言公卿侍從當數  
召見以察其才能心術其三言降人散處京畿者宜漸移之南  
方其四言宜以京官出任郡縣使民得蒙循良之政其五言宜  
倣唐制朝臣遷秩舉賢良自代吏部籍其名而簡用之其六言  
武臣子孫宜教以韜畧其七言守令遷任宜加察其八言富民  
輸粟授官者有犯宜追奪其九言廷臣遭喪宜令終制其十言  
宜邊僧尼疏入留中歲忌已也先犯蹕景帝即位復上言十事  
一言戰陣二言守禦三言簡使臣四言遷降五言兵士六言守

永新縣志

卷十六

人物志

列傳

十九

令七言選將八言武臣濫爵九言總攬權綱十言經筵進學皆  
深切時宜上優詔答之壬申三年遷洗馬也先使者乞遣報使  
帝堅不許定之疏引故事以請帝下廷議竟不果遣舊志云卒遣使今從  
明史丙子遷右春坊右庶子天順丁丑調通政司左叅議仍兼侍  
講尋進翰林學士憲宗立進大常少卿兼侍讀學士直經筵成  
化丙戌命主會試考遂入內閣預機務丁亥六月請以先儒陳  
澹從祀孔子廟庭八月陞工部右侍郎仍兼學士江西湖廣災  
有司方徵民賦定之言國儲充積而此待哺之氓乃責其租課  
非聖主卹下意帝感其言卽命停徵四年己丑進禮部左侍郎  
兼官如故萬貴妃專寵皇后希得見儲嗣未兆邸王女及笄未



下嫁定之因久旱並論及之且請經筵兼講太祖御製諸書斥異端邪教勿令害政耗財帝留其疏不下慈懿太后崩彭時乞合葬裕陵主祔帝廟帝以妨母后爲慮定之曰皇上大孝當以先帝之心爲心今若安厝於左而虛右以待將來則兩全矣帝猶豫未決會姚夔率百官跪伏文華門定之復偕商輅等入內勸帝如羣臣議卒得旨五年卒年六十一贈禮部尙書諡文安定之在內閣間上密疏皆國家大計惜未究所施用其學問自六經子史下至稗官小說釋老雜伎之書靡不周記成誦嘗有中旨命製元宵詩內使卻立以待據案伸紙立成七言絕句百首又嘗一日草九制筆不停書有質宋人名字者就列其氏次

永新縣志

卷十六

人物志 列傳

二十

若譜系然海內後先士博雅莫或及之其爲文數千百言立就雄渾瓌麗變化靡測雖機軸多出蘇氏父子而理道適之以是名聞天下擅一代文宗雖武夫悍卒亦無不慕傳焉所著有周易圖釋十三卷劉氏雜志永新人物錄呆齋存續諸稿十科策十卷宋史論三卷行世弟寅之景泰進士湖廣叅議安之天順鄉舉汀州同知宜之歲貢生叙州府教授

參明史萬歷志

戴禮字本敬博學好古登永樂進士上疏乞近地教職養母得衡州教授進士受教職者自禮始抵衡課諸生有成法典試浙江與考禮闈並稱得人陞代王府長史王專恣禮數以書諫不從則法其助威者久之王愈張妃及王子世孫皆逐外禮密疏論



之上命世孫總府事築別第居王賜璽書嘉獎致仕歸赤貧躬耕有同榜士按部過訪禮方荷耒耜入門無沮色其卒也門人鬻其書以塋儻其族孫也

萬歷志

劉儁字克彥後以字行宣德進士授監察御史陞浙江按察僉事所至風裁凜然能令人接其辭色而邪念自消常稱學莫先於義利之辨毫釐千里舜跖所由分也吾黨時當以此自省致政歸確守清白澹然絕干請人品稱先輩第一為文雅暢多古意所著有木菴集

萬歷志

江玉琳字正夫少負奇氣食貧力學事節母劉以孝聞常課徒於鄉學士解縉見而奇之薦補邑諸生有直指行部至縣拜謁

永新縣志

卷十六

人物志

列傳

二十一

先師不由禮玉琳庭糾其失名至試所業深獎異之宣德間登進士授福建道監察御史彈劾權倖直聲嶽嶽振臺中尋陞廣西按察僉事京師人追仰風裁至呼所寓巷為江家巷云

萬歷志

蕭翼字體全登正統進士知潛山縣勤心撫字廢舉利興邑故無芋翼自鄉載芋教民種之民因謂之蕭公芋丁內艱歸父老遮道攀泣復追思其德有云蕭公逢迎雖拙撫字實勞起知長垣縣時黃河泛溢民舍漂沒十八九翼身先眾役築堤捍之發粟賑其災歷二年始定眾感戴立廟堤上生祀之秩滿入京民乞留弗許號慟而去冢宰王公直嘉其績超遷順德知府數月病卒行李蕭然一琴外無長物焉

參萬歷志萬姓通譜



左鼎字周器家貧好學敏悟絕人受業劉石潭先生髦正統壬戌  
與從姪輔同第進士癸亥拜監察御史既乘驄風裁嶽嶽彈劾  
無所避十三年巡按山西明年英宗聽閣臣振言自將禦亂鼎  
聞星馳伏輦路哭諫不聽上納疏於靴中而去已而正統蒙塵  
景泰帝立山西值衝要地兵勢侵掠甚急時未僉督府三司以  
下皆魄懾鼎乃厲將士招民兵扼巖險塞關隘謹烽火多間諜  
躬自登陴誓以死守山西恃鼎以不危時兵荒薦臻請蠲太原  
諸府稅糧停大同轉餉夫以蘇其困也先請和抗言不可引宋  
景德靖康事爲鑒景泰三年山東河南大饑命鼎分賑民賴以  
安還陳遵成憲裕財用五事四年以災異偕同官陳救弊恤民

永新縣志

卷十六

人物志

列傳

二十二

七事末言大臣不乏奸回宜黜罷其尤用清政本帝善其言下  
詔甄別吏部尙書何文淵通政使李錫竟由是去鼎居官清勤  
卓有聲譽御史練綱以敢言名而鼎尤善爲章奏京師語曰左  
鼎手練綱口自公卿以下皆憚之鼎出爲廣東右叅政會英宗  
復位以郭登言召爲左僉都御史居五月疾不起上親顧問賜  
錦袍以被鼎體壽卒上痛哭遣官諭祭塋著有立齋文集傳於  
世姪輔字良弼後亦爲御史以抗疏摘判秦州

參明史萬歷志

尹禮字內則正統進士授監察御史巡按山東憲紀肅振韓雍稱  
其有古御史風時廷臣以征麓川大冒功賞禮上疏極言其弊  
丁內艱服闋大臣薦起入京條陳八事皆切時務賜勅褒嘉尋



陞河南按察副使卒 參府志萬歷志

劉昇字幼顯七歲能詩長工古文詞總角赴鄉舉甯藩聞其名召見問以經傳大義應對如流欲留賓館昇不可乃以宮硯玉筆格賜其歸正統辛酉領鄉薦明年試禮闈不第居京開義館名士多出其門景泰辛未魁南宮廷試進士第二人授翰林編修性剛果無所附時北虜犯塞邊餉告乏上欲加賦昇率同僚上疏願以本院官俸助餉憂歸都御史韓雍按部過其門咨邑利病昇無一語及私嘗署門云拙性憚煩客至休言公事夙心好古朋來但辨經疑其清修類如此釋服以疾卒年僅三十士林咸惜之 萬歷志

永新縣志

卷十六

人物志

列傳

二十三

劉敷字叔榮號揚休始受學於其叔善善字益初由鄉舉爲工部主事以抗中貴下禁獄後擢郎中著廉聲卒官不能治喪時議贈之敷登景泰進士授南京監察御史巡江時同差錦衣官校虐民奏革之平江賊有功陞湖廣僉事歲荒多所賑活歷貴州副使湖廣按察使起艱改福建按察使歷左布政使入覲值星變條奏十二事多中時弊陞右副都御史巡視浙江時海潮暴溢敷禦治有方奏過中貴築海堤之擾復陳地方十事上皆嘉納之改撫湖廣以藩封營繕工侈奏定費式給直令自修遂著爲例靖州苗亂湖湘大擾敷與李震分道進討破賊六百餘寨俘斬八千餘人獲賊帑萬計捷聞蔭一子爲錦衣百戶轉左副



都御史引疾歸成化二十二年八月召爲右都御史掌院事風紀肅然後以疾乞休有楮幣之賜敷爲人氣度宏厚其得君行志皆忠誠有以致之卒於家上遣官塋祭焉子表從孫孔愚皆有聞於時參明史萬歷志

袁字廷延性孝友嗜學不以貴勢自免登宏治癸丑進士時大臣多父舊交袁絕通謁之迹授行人司勅遣廣東犒軍道卒萬歷志

李鈞字許國景泰二年進士授工科舊志作兵科給事中憲宗卽位數

月鈞與同官王徽等陳四事未言宦官無許預政其冬帝入萬妃譖廢吳后罪中官牛玉擅易中宮謫之南京鈞復率徽等劾之疏奏悉出鈞手詔以妄言邀譽欲加罪諸給事御史交章論

### 永新縣志

### 卷十六

人物志

列傳

二十四

救謫綏德州判官綏俗舊陋鈞至出小學儀禮諸書教之俗以馴化適邊警糧乏從容措畫事集而民不擾陞荆門州同知辭不赴有綏德集若干卷子輅能世其家學參明史萬歷志

吳綽字玉寬景泰進士授監察御史陞廣西按察副使進按察使所至吏不敢欺民以無冤宦止外臬人惜其不大究於用云萬歷志

湯清字汝正登景泰進士授刑部主事遷員外郎陞湖廣按察僉事討荆襄賊有功蒙錫賞性廉介不苟事平以勤瘁嬰病引歸其卒也論德劉戩誌其墓清族子治博學好修由貢歷益府教授致仕歸多著述有子朝珮舉於鄉任繁昌知縣萬歷志



按乾隆志湯清後有傳韶傳查通志選舉人物俱作永豐人府志選舉亦作永豐惟人物傳稱永新且本邑選舉志並無韶名其爲誤列無疑今刪之

馬聰字體哲景泰間舉進士觀政工部憂歸服闋拜監察御史侃侃出同輩英廟回鑾疏請景帝避位謫處州推官決獄不泥成案屬邑有羣盜聚銀場謀劫官庫藩臬請往撫之其官吏聞盜至先遁獨留館下宿明日盜果至聰以大義責之皆懾服撫按交薦其能將超遷之而遽卒於官初郡有富民湯祿者爲前太守枉以弑兄罪十餘年賴聰白之聞其病革私以百金圖報聰厲色拒之卒時橐甚蕭然屬續書二語遺其子曰貲不必計

永新縣志

卷十六

人物志

列傳

二十五

饒裕惟其人之賢命不必論修短惟其心之無愧於天其制行可槩見矣參萬歷志劉震節齋記

馬體乾聰從弟也天順進士知靈璧縣陞御史疏論錦衣指揮門達之姦謫華陽陞同知黃州事懇疏乞歸薦紳士高之萬歷志

賀深字宗濬天順間鄉舉任蘭溪教諭聘典順天文衡稱得士嘗念兄弟分異欲劾陳江州鄭浦陽家法合于指同爨遂辭官歸士大夫高之子位官同知廉靖有父風萬歷志

按府志人物表位爲知州撫字心勞嘗分祿以周僚屬之不給者縣志作同知未詳孰是

戴僖字大節成化進士授南禮部主事陞郎中擢汀州知府初汀



民經鄧茂七之亂林連多所誣枉儘力辨出之後以入覲卒於途汀民思焉僖嗜學工詩文未及

負文名官鄭州守 萬歷志

左賢成化鄉舉為淮安推官簡靜

碩識獄詳允退邇咸稱之 據府

志補

馬鉉字孔任號抑菴聰從子幼能文善屬文大帥彭時深器重謂

人曰此子他日亦鳴鳳朝陽者不愧其叔也成化辛卯舉於鄉

壬辰成進士觀政吏部上書條陳八事首言慎銓選抑奔競授

工部主事出理薊州鐵廠有車政秩滿數千人詣闕乞留上知

其才遷本司員外郎詔許再任民利賴之立生祠祀焉會建州

永新縣志

卷十六

人物志

列傳

二十六

女直入寇遼東兵部尚書余子俊舉鉉才望改職方司員外郎

奉璽書督餉上言典兵柄者不得其人無以嚴武備司會計者

不得其人無以充邊備皆愷切中時要廷議悉是之已改儀制

司郎中遣往周府行冊封禮王遣世子受學謝表薦其賢又上

章糾內臣權傾中外天下喪氣異流左道欺罔聖德虧損蓋指

斥汪直李孜省之輩疏入上震怒逮獄大學士劉珝申救還職

禮部侍郎邱濬贈言壯之有袖有匡君策囊無謁相書之句未

幾擢南大僕寺少卿至則以馬政久弛銳意舉行抉剔蠹弊痛

繩奸吏以法首輔劉吉素惡其不附己至是鉉又上與革事宜

詞峻直忤旨調廣西布

司右叅議專督糧儲時連歲盜起兵



輸方殷鉉晝夜規畫不加賦而公私皆給撫按推鉉才堪治劇  
薦補本司按察使適古田賊勢告急奏改分守桂林等府詔加  
三品俸鉉之官除徭役備賑濟最慎獄事冤抑者多所平反先  
是徭賊猖獗肆害無甯歲鉉勦平之未幾獐賊辜朝威作亂鉉  
初至欲設策安撫賊亦知鉉恩信意在乞降屬先事奏聞已命  
將提兵三省大軍皆壓境勢不可止鉉矢志戡亂不避險阻初  
與賊遇斬獲過半窮追遇伏死之布政使李孟暘等爲飭喪紀  
發其篋笥惟古書數囊而已事聞兵部尙書馬文升禮部尙書  
耿裕上疏皆極言鉉忠壯可憫勅賜祭葬子效才入國學特詔  
桂林府建忠臣廟歲時致祭焉

經濟名臣錄

永新縣志

卷十六

人物志

列傳

二十七

效才字利用以父蔭補國學生謁選得衡州通判才力振迅衡守  
計宗道天下能吏也視人鮮當意獨心折效才事有難決必以  
屬曰敏練吾弗及也時郴桂盜發剽劫延衡境效才督捕伺盜  
出沒所經止盜偵其有爲相戒勿入衡四邑乏城守效才首建  
築城之議不數月而四城岌如民不告病復佐中丞秦金督餉  
籌謀深相倚任賊有脇從者悉請貰之郴桂平民失業多竄徙  
他土餘盜乘間嘯興督府命效才綏靖之至則遣人諭其酋賊  
皆感泣聽命在郴桂二年勞績懋著他吏弗能逮尋以家難乞  
歸研究經史嘗佐胡侯偉成度田均役之績啟陸侯榮以殛盜  
安民之方心期利衆冒禍害爲之不恤也卒年七十五

採禾川書補



而效廉字利清聰從孫博學強記嘉靖間以貢應廷試第四詔入  
監授閩福清司訓敦尚風節冢宰朱鎮山禮重之薦掌五經院  
事遷海州學正拔張朝瑞於儔伍中後朝瑞聯捷欲薦效廉於  
朝固辭曰遇合得於天者爲榮得於人者爲辱解組歸敦崇禮  
讓爲族黨矜式節乾隆志

劉桐宏治二年鄉舉知泰順持法嚴平聽斷深悉民隱省汰繁費  
尤加意士類嚴斥羣小勾攝無一卒下鄉士民頌之子夢詩夢詩參  
歷志浙江通志

夢詩字子正年十八領鄉薦登正德進士授刑部主事卽以發奸  
摘伏著聲時有莫犯小劉之謠大駕南巡諸司以諫被譴杖夢

### 永新縣志

#### 卷十六

人物志

列傳

二十八

詩奮章繼之旬日疏不下復上奏益懇切聞者咸懼會疏竟留  
中得無患改南工部主事督造戰艦綜理微密逆藩之變卒賴  
之起艱轉刑部郎中陞兗州知府充當要衝宗藩河漕郵傳諸  
多擾困復值歲青盜竊充斥民相弔無以爲命夢詩檄所司開  
賑勿事鬪請全活無算盜入境令村市各塹所經塗佯弛防以  
餌其來輒仆陷盜相戒無敢犯魯藩支屬蔓布歲祿均畀無偏  
與咸爲之歛輯治聲四振遷河東都轉運使先是河東鹽池患  
兩鹽出日縮夢詩至池花暴綻鹽夠倍常歲人以廉守珠還比  
之晉地不通舟楫而車運復少夢詩命凡有車者悉寬其徭人  
以是爭治車獲轉輸之利夢詩素抗直稍見嫉於時遂告歸家



居數十載益爲夷曠不以貴自倨年八十卒著有二遊小紀藏於家

參萬歷志禾川書

李珪字用獻宏治進士授禮部主事贊大喪無違禮轉員外郎起艱陞郎中治榮府第省浪費有能聲時逆瑾擅權欲羅致之抗節忤瑾瑾怒出爲曲靖知府道卒子儼

參萬歷志康熙志

儼字民望號南屏幼穎秀異凡兒正德間進士授行人奉使周藩卻絕請餽疏諫武宗南巡忤旨杖瀕死調南京國子學正世宗嗣統擢授陝西道監察御史上辨學興材疏世廟成請卹錄議禮獲罪諸臣且言邇來羣臣或擠排善類或翻異成獄或變亂朝章動引議禮爲言督亂忠邪變淆國是皆公私黨之勢自此

永新縣志

卷十六

人物志

列傳

二十九

成矣宜詳察是非議禮是而行事非者不以是掩非議禮非而行事是者不以非掩是使黨與全消時靡有爭則大公之治也時士大夫盛傳之引疾歸再起廣東道監察御史出按應天畿甸肅清人以真御史稱之報命乞終養撫按交薦不起居鄉仿行藍田約法倡後生講學不爲虛論年八十餘卒鄉人祀於社及鄉賢祠姪承芳承緒先後登第緒由推官陞主事

參明史萬歷志

賀寬字懋教登宏治進士授安成令改東陽治行卓著歲旱減膳

徒跣拜禱又借運司鹽帑及郡倉粟以賑全活甚衆及報政喪

橐肅然士民交相餽贖寬惟取一菜時人謂曰昔聞劉寵一錢

今見賀寬一菜擢監察御史疏斥權璫風采振臺中遷四川按



察僉事聲威甚著卒於官

參省志萬歷志

吳期英字中順正德進士歷官禮部員外郎謫六安州同改泰州抗中貴決疑獄進平樂同知因俗爲治民畏懷之除守思恩未究用尋卒期英性度灑落博極羣書詩文力追古調常題瑯亭及過山驛諸詩詞爲世傳誦所著有南溪集

節萬歷志

按萬歷志稱期英守思恩時遭土獠兵亂新建伯王守仁疏薦其有守孤城功攷明史廣西田州土司傳嘉靖六年逆黨王受等糾衆萬餘攻據思恩城執知府吳期英等已而釋之且投牒上官願聽招撫嗣上起新建伯王守仁討之遣壯士間道入思恩城爲內應夜引官兵奪門殺賊收府邸及庫物護送期英於

永新縣志

卷十六

人物志

列傳

三十

賓州再攷守仁思田書處置平復地方疏稱期英屢有奔逃之辱難以復臨其下然未有可去之罪宜改任他所使之自効據此則謂守仁疏薦其有守孤城之功誤矣刪之

尹袞字舜章宏治鄉舉授壽甯令名父老牖以至誠作勸善詩歌境內士民皆知感從陞夔州府通判時采買皇木河嶮巖不可出袞禱於神一夕暴雨漂抵荊州歲饑盜起捐俸助賑民得全活寇亦尋彌夔人爲立生祠遷守綿州公廨垣壞獲瘞金數萬兩禁家衆勿取登記其數以當歲賦餘以葺城堞人稱其廉綿人爲立去思碑擢刑部員外郎遷福建運同乞休不俟報而歸生平廉潔自持不爲子孫溫飽計恒以慎交遊遠勢要爲戒

參省



尹襄字舜弼交弟生有異質年二十舉鄉試第一正德辛未成進士授翰林編修同考禮闈修武宗實錄遷侍講尋進司經局洗馬每直經筵意存諷諫一日進講尚書說命至官不及私昵有旨問講章誰爲者人交危之襄不爲動對曰此臣職也上悅稱講官天下第一未幾卒襄性醇雅爲學沉思力詣事冗允謹家問起居未嘗草一字居常與長官不相聞親故請求皆謝絕病革至假貸爲棺歛費所著有巽峰集子祖懋

參省志萬歷志

祖懋字德卿童髻英敏過人隨父遊學京師雅有文譽歸領鄉薦登進士第歷官廣東叅議四川提學副使以原職告歸刻意詩

永新縣志

卷十六

人物志

列傳

三十一

文有峽陽稿行世

萬歷志

甘公亮字欽采正德進士授兵部主事時逆瑾擅柄疏乞改南便養在刑曹讞獄明允囚遭疫親視醫藥全活甚衆乾清宮災疏陳八事又以建儲請事雖未行士論壯之出守惠州罷橋鐵稅擣劇寇巢增設和平縣治惠賴以甯歸田四十年足不涉公庭究心理學時鄒文莊羅文恭二公雅敬重之而文莊以道里相比尤加親厚鄉有鄉約族有宗會每教人必以力踐爲主或以書疑義駁辨以爲徒資口吻無與身心輒不答嘗戒其子曰爲士能忍凍餓乃不墮坑塹有懷數十金求誌銘者公亮察知其人謝不敏退語人曰吾雖貧不能爲人諛墓也其介如此著有



蓮坪稿南嶽風韻集藏於家孫雨選翰林

參省志翠竹青蓮山房集與龔邑侯書

按萬歷志公亮奏設和平縣禾川書駁云和平縣係王文成平  
淵頭寇時所設是時惠州知府陳祥非公亮也查公亮孫雨文  
集內有與龔侯書舉其大父守惠時官蹟甚詳有增設和平縣  
治經營版築惟懷永圖等語自可徵信則公亮僅增設縣治舊  
志以為奏設和平縣應誤

賀縉字朝卿祖温成化鄉薦任曲江令有政績縉承家學性剛介  
不阿登正德進士授工部主事改兵部擢職方員外郎經理上  
谷雲中邊脩冗冒多所裁抑轉武選郎中時倖功被褫者夤緣  
權璫求復縉執議不撓兩抗疏忤旨改南儀制郎中陞陝西泰

永新縣志

卷十六

人物志

列傳

三十二

議尋卒人咸惜之子謹新好學能詩從子謹端嘉靖鄉舉任嘉  
興通判不弛其家聲

萬歷志

蕭樟字國材初廢學年二十七始發憤讀宏治辛酉舉於鄉明年  
試南宮以乙榜署江山學諭江故僻縣鮮文物樟擇士提誨之  
周鴻臚用賓之在諸生也溺方外厭棄其學樟從容諭之卒恢  
廓為名臣樟尋登正德進士除知莆田起艱改四會平徭寇士  
民生祠之三年遷刑部主事時毅皇帝數行幸上谷雲中喜御  
舞樓酒館樟極諫荒淫上在道秘不發章傳旨沒之御河大學  
士楊廷和救之得置獄待命世宗即位復其官無何大禮議興  
張璉桂萼別持議考獻王樟援古據今侃侃千百言疏入不報



遂偕廷臣楊慎何孟春等二百餘人伏陛哭上怒悉杖之樟創甚幾死久之上念樟先朝遺直特改南刑部主事尋進員外郎中樟手稜亭亭聲名益著斷獄不避貴勢時稱蕭鐵漢云嘗建言五事又上言延平李侗紹二程以啟朱氏在藝林功最大宜廟祀或曰侗無書樟曰子不見朱熹有言愚聞之師乎熹自爲誰也然則熹之集述非侗之集述乎時張桂柄用事忌樟喙不已遷雲南曲靖守樟卽掛冠歸屏迹秋山下邑令陸公榮行政每咨訪焉所著有秋山集從學者稱秋山先生年七十七卒家如洗從子坤文世其學

參明史萬歷志金光弼樟本傳

蕭世科字宣宗號北窻宏治鄉舉通判廣州獠賊爲患世科躬冒

永新縣志

卷十六

人物志

列傳

三十三

矢石出奇計殲之嗣鎮巡大吏舉兵攻四會諸峒夷世科叅謀議克底成績最爲當事所嘉許憂歸起判杭州杭習豪奢多過制世科敝衣羸馬身先節儉下令禁一切靡濫俗爲少變尋遷惠州同知時廣苦鹽課弗暢欲得強幹有材力者攝其事世科承躒往鈎奸剔蠹疏洩滯壅權算弗事纖瑣商氓稱便賦入視昔加倍軍需賴以佐助王守仁督兵入廣盛稱其能未幾以貴要索賂弗遂報罷人咸惜之生平無詭飾事二兄友敬不怠常出餘俸以周族姻割田以贍宗支其篤於行義類如此

採禾川書補

劉孔愚字可明博學善詩文弱冠以禮經魁鄉試念母李矢節侍

養十餘年不赴春官嘗受學王陽明先生之門嚮往得其旨歸



後就教定海造士有方捐餼以資貧者兩典文衡皆稱得士擢甯遠知縣遷學厲士殄劇寇有功尋卒於官所著有蘅汀集萬曆

賀鏤字邦器嘉靖進士授南京大理評事多所平反擢廣東兵備道時羅山盜據險殘害諸郡後先當事者縮不敢問鏤至請征之御史中丞譚公問進搗機宜鏤曰賊負險旅拒不先離其黨以孤之勢未可據圖也乃計招其渠魁設伏攻破旁附諸壘賊首尾不能顧突入其巢十年劇盜不踰月遂平司馬上其功陟副臬而虔臺劉中丞疏請留任鏤承兵燹後益求民所患苦以爲張弛屏奸慝除苛殘治化盛行陞本省叅藩未幾潮寇張連

永新縣志

卷十六

人物志

列傳

三十四

蔓延列省詔會兵進討御史張公以鏤嘗勦盜多奇畫密詢之鏤言兵因形制勝潮寇之視羅盜形異勢反其黨未易離莫若利媾之以潰其心效可速致羣議是之首愍旋就縛是時調集之兵累億萬鏤內佐籌策外總餽饗焦勞至不遑寢食忽暴疾卒上聞深悼惜之詔贈光祿寺卿參萬曆志禾川書

劉璧

通志誤作廬陵人

金臺進士以御史出知漳浦興學校立社倉清丈

履畝定則田賦悉清民尸祝之

採府志補

尹臺字崇基號洞山嘉靖乙未進士世宗覽其所對策命與一甲竝梓行世讀書中秘拜編修庚戌分試禮闈臺私憂嚴嵩權盛發策問權臣重臣錄呈上大感動亟取臣鑒錄賢姦傳省覽或



謂嵩曰權臣益指公也嵩陰啣之尋以春坊管國子司業復兼翰林修撰專理誥勅壬子承命主考南京鄉試策陳馭將制兵上摘策中事悉臺有心計可圖國嵩因欲與臺交權乃令世蕃介其私人置酒促席求婚臺力辭之以是怨日深既出爲南祭酒嵩賸而語臺曰忝竊政本能無一言相助乎臺從容起曰楊繼盛誠狂士願相公左右之勿貽盛世有殺諫臣名嵩曰諾臺退而屬王司業材復入言之嵩心動已乃謀諸鄆懋卿者持不可楊竟論死然海內知救楊者爲王竟莫知出臺也改少詹事兼侍讀學士掌院事得入直尋傳御劄令侍郎尹臺代祭孔子嵩令子世蕃持金帛以賀曰上特晉公亞卿吏禮二部孰擇臺

曰臺無狀倚蒙上恩當出廷推若傳奉非祖宗制未敢承命嵩不喜揭覆止仍以少詹事銜行祭火之禮部右侍郎缺有欲擠臺以進者用趙文華謀賂陰臣搆蜚語誣公謂其投刺問曹光忽旨從中出著罷直供本職曹光者上所怒侍御史名也出爲南吏部右侍郎兩當京察黜陟惟允時以與嵩有郤者欲罷之有附嵩者欲庇之臺皆持不可故其所保護孔多如譚襄敏王奉常其最著者也詔舉邊才首以王邦瑞曹邦輔趙時春胡松應詔後皆起爲名臣陞南禮部尚書秩滿被劾歸萬歷元年詔起原任未幾乞致仕歸建崇正書院割田以給來學臺讀書至老不倦爲文體裁一準西京詩歌儕建安天寶間四方謁文者



文戶所著有思補軒洞麓堂集數十卷行世卒年七十四參康熙志

禾川書

龍遂字良卿號南岡嘉靖進士初授行人奉使淮府卻餽著廉名陞刑科給事中會建仁壽宮引古惜露臺事力爭之又陳治體三要請勅恤刑官戒其枉縱上皆是之俾部院議行時滄州與儀封交訛遂建言大臣不和何以表庶職二公自是不復相攻曰龍黃門命之矣宜大總督樊繼祖暨鎮臣希功縱寇冒以捷聞遂毅然劾其誣罔朝臣壯之嚴嵩常謂其有萬夫莫當之勇郭武定獲罪遂奉詔籍其家追論加切入諫垣僅歲餘疏凡數十上皆天下大計彈劾不避貴倖時嚴嵩擅柄謀傾夏元輔遂

永新縣志

卷十六

人物志

列傳

三十六

率臺省奏斥之嚴目爲夏黨落職佐藩幕士論躋之遷興化司李同知漳州府事故事由臺省謫者率倔強不事事遂絕無遷人態與民絜情法而衷之兩郡俱有龍青天之稱尋陞貴州僉事飭兵思南計縛苗酋吳黑獻闕下思南守何璋儉傲遂摘其吏弊每庭斥之璋構於御史御史以遂有諫諍名難之既而曰是非相君所欲甘心者耶因極意誣之勒歸里俟勘後嵩敗遂始陳情前寃以雪居林臯間勤於學問以力行爲急每歎使我更得十年立丹陛前計議天下事當不止此矣嘗言郡邑利害事於臺司郡守皆心服謂龍給事論辨萬里外若指諸掌甯鹵莽目睫下及沒里人鑄其惠曰龍公桑梓遺愛錄所著有掖垣



疏草義方訓傳於家祀兩郡名宦府縣鄉賢

康熙志

顏鐸一名鈞別號山農兒時不慧十九讀孟子彌日不成誦聞兄  
鏞談學若有會閉闕不飲食者七日始豁然尋居谷中九閱月  
益大悟歸見兄鏞等陳性命之學皆驚學使者至父兄迫令就  
試鐸嘆曰人生甯遂作此寂寂受人約束乎遂罷舉業會王公  
良聚講廣陵間鐸往質王公異之遂遍遊吳越齊魯燕趙士大  
夫多就門下而所篤信者叅政羅汝芳爲最鐸豪宕不羈輕財  
好施揮金如土見人金帛輒詬曰此道障也汝芳爲東昌太守  
鐸至欲製棺給以白金出卽散與貧者復給之散如初後汝芳  
歸盱江見鐸來爲製美材贈之舟次金谿遇門人蔡制沒無棺

永新縣志

卷十六

人物志

列傳

三十七

又以與之及遊京師相國華亭徐公首來問學三公以下望風  
請業鐸機辨嚮疾問難四起出片語立解徃徃於眉睫間得人  
元悟稍遲鈍輒詬詈嘗與諸大儒論天命之謂性衆方駁訟鐸  
但舞蹈而出時蘇公祐督學江西聞其名使人召之不徃曰召  
卽名諸生耳道人不聞徃教也蘇公亦重之造廬稱謝聞言不  
禁下拜巡撫何公遷二子爭財相殺莫可解乃迎鐸至署一月  
兄弟不覺抱持大哭遂相友愛何公感之問所欲鐸曰生平遊  
江湖不得官舟廣聚英材講學爲恨耳何公以已舟與之顧鐸  
性峭直嘗爲上徐華亭與張江陵書皆有所指斥諸公不悅且  
有宵人齟齬之者傳會何公所與官舟事遂以盜官舟故下金



陵獄論死汝芳力爲申救願以身抵焉遂得減死戍廣西方鐸  
之在獄也日與諸囚論學不倦諸囚有啟悟者常白光達圓扉  
及其出獄諸囚百餘人伏地哭哀甚司寇訶曰若囚且暮死不  
哭哭顏鐸何爲囚曰不然顏先生在獄吾身如在天宮今先生  
去矣吾無所聞即不死猶死耳鐸好談兵喜竒計先是將軍俞  
大猷起校尉罪當斬鐸一見竒之請於督府得釋至是迎鐸於  
軍運籌決策遂平大寇上其功將授以官恥之僅免戍歸鐸事  
父母甚孝親沒廬墓泣血三年未嘗見齒雖耄逢父母生忌祭  
必哀兄弟五人友愛備至鄉黨煦煦患苦相恤卽古之篤行君  
子何以踰焉獨其議論風生意氣煥發以此頗爲時流所不喜

永新縣志

卷十六

人物志

列傳

三十八

年九十卒祀鄉賢所著有山農集耕樵問答諸書

從康熙志儒  
行改入參禾

川書

賀世采字義卿少受學於鄒文莊公守益異其穎敏授以陽明良  
知之學身體無違領嘉靖鄉薦任下邳守清介自勵多善政民  
懷之舉祀名宦歸田十餘年邳民猶千里寄褐世采賦詩云涼  
煖人間總不干簑衣漁艇四時安憶前吏事閒多媿猶有舊民  
恤我寒世采幼失怙事母孝教養五弟迄白首友愛不衰沒祀  
鄉賢所著有景流錄義山庄集

康熙志

史詡號見屏嘉靖壬戌進士授縣令以卓異擢刑部主事讞決平  
允出知衢州政績炳著時天下舉循良十五人詡居首焉入朝



賜宴因疾作未及期謝恩言官劾之上論詔是好官爲朕愛養  
百姓得免議補大理府尋陞雲貴副使任滿辭歸養親林下二  
十五年留心興革邑人賴之年八十七卒祀郡邑鄉賢

康熙志

戴有孚號聖山少工文詞以選貢入太學大宰竒其文超拜廣東  
韶州別駕清橋稅節賦役釐革咸中理窾攝翁源汝源篆常名  
諸生會講置田膳餼士民德之羅山盜起建擣巢議捷聞擢鄭  
州守未一歲又以蠲除驛遞復宗藩侵壤爲大吏所嘉予比歸  
與安成王塘南劉獅泉二先生昌明聖學開示來哲洞山在南  
都時 爲孚以社法糾里族孚捐貲割田慨然以爲己任社成禮  
讓相先爭訟不作里父老感義其行所著有韶成集管城紀辛

永新縣志

卷十六

人物志

列傳

三十九

王錄著疑錄

康熙志

劉朝噩號念南萬歷進士初任廣州推官值羅定寇亂捕獲百餘  
人置之獄賊黨潛通獄吏約爲內應伺各官赴太平宴時發之  
朝噩方燕坐感白鼠過其前知爲兵象搜獄得藏兵遂斬諸賊  
夜半寇圍城將所斬賊首擲城下寇知事泄遁去巡撫爲之下  
拜奏聞擢兵科給事中侍經筵時張居正任事懼伏臺省亡敢  
不關決者朝噩獨先入疏後具副封聞首疏兵賦要議議兵曰  
將帥剝偏裨偏裨剝士卒則兵弱兵弱卽朝夕練習亦屬具文  
議賦曰三吳廬鳳河東南北卽有流離不以實聞民爲邦本本  
不固賦安從出疏出人咸曰誠救時要領連疏劾首輔居正怙



寵擅權及其黨侍郎以下十七人直聲震海內江陵每得疏目  
銓卽曰故以吉州人難我是將繼傅劉鄩而起奈何銓卽忖江  
陵意黜爲福建僉事督理屯鹽倭寇方張以身督戰蒙上賞再  
陞雲南副使適播變拔鄧子龍於夫役中任以統率竟平賊巢  
沐府表薦陞貴州大參黔舊苦營兵朝醜至移其營於郊外兵  
卒不敢譁嗣以疾乞歸置圖田以免書算創社租以備荒賑歿  
祀郡邑鄉賢祠

參康熙志存直集

甘雨字子開公亮孫也幼竒穎以春秋領萬歷庚午鄉薦與吉水  
鄒公元標讀書青原山共相切劘丁丑魁南宮改翰林院庶吉  
士南臯劾張江陵奪情廷杖瀕危雨密託本里龍翊護救得不

### 永新縣志

#### 卷十六

人物志

列傳

四十

死歷遷南兵部員外郎禮部郎中時鄧文潔以侍郎署禮部與  
雨爲忘分交癸巳遷粵西督學乞骸歸淡然仕進嗣郭公子章  
撫貴州適學憲缺乃起雨督貴州學諸生納參隨閱隨取多士  
慶得師焉值苗酋未救撫軍移雨赴行間理餉時司道不一二  
人雨縮十餘道事卽夾轂行卽都司篆亦雨縮人不能一朝居  
雨案無留贖獄無滯情問兵兵集問餉餉足黔人吐舌曰此非  
天人耶賊平序功故有假督學以督餉旣論文復論兵之語己  
酉遷閩臬副使閩司道缺八雨縮九綬亦如在黔時閩人又神  
明之雨笑曰吾老人腰那堪此若若耶壬子遷楚藩叅政癸丑  
二月卒鄒忠介公聞之嘆曰子開能護余於丁丑而余不能代



子開於癸丑誠有媿也所著有春秋註疏翠竹青蓮山房集鸞  
州志古今韻註撮要 參康熙志存真集

龍文明字斗冲九歲能文以神童受知於邑令萬歷壬午舉江西  
第二己丑成進士司李漳州多異績及署府篆清屯政立義倉  
井然有法郡故有番舶獻方物爲民患文明嚴絕之沿海肅清  
後陞刑部郎中出守萊州值邊警治兵治餉游刃有餘會有築  
城之役親視畚鍤不數月金湯屹然尋陞登萊兵備副使倭寇  
圍城七月身先捍禦城賴以全歲大稔捐俸買穀以佐倉廩所  
不及民免轉徙爲肖像祀之辭官歸里修同仁錄以清軍民倡  
建鴈塔以翼文運邑人士德之歿祀鄉賢祠 康熙志

永新縣志

卷十六

人物志

列傳

四十一

周文謨字大白萬歷進士任固安令邑多大瑞號難治文謨下車  
詢民疾苦與爲更新嚴飭簞簞大瑞皆帖服有濁河水溢爲居  
民患文謨相險要於安庄口築長堤以障之不旬日而工成又  
築護城堤數百丈民獲安堵號曰周公堤郊外多荒地下令開  
墾三年始稅之得田五千畝歲收穀數萬斛倭寇發難治兵以  
待得不擾年僅三十餘以積勞致病卒同官及邑士夫賻之喪  
乃得歸至今桐鄉與枌社兩祀之冠 有傳參康熙志舒曰敬文謨本傳

朱士景字玉壺萬歷鄉舉任邵武推官決獄精詳多所平反奉查  
各屬見未結疑案棺骸暴露捐金構屋以藏之名曰洗冤亭擢  
長沙同知人稱鐵面致政歸值鼎革遂削髮爲僧自稱性通長



老著有盡心錄 據禾川書補

賀大亨字剡中萬歷鄉舉爲四會令築城衛民至今賴之 據安中丞通志補

賀中男字可上生而穎敏讀書一日十行以神童受知於太守汪可受比長博綜羣書與同郡曾端甫蕭伯玉劉孝則本邑金右辰尹長思輩結社螺浦可上於經史百家天文律歷以逮野乘術數之書靡不博洽尤究心當世兵刑錢穀鹽屯水利馬政諸要務目營指畫立可施行爲古今文詞縱橫曲折無不如意雖蘇子瞻弗過也觀察黃公承天以國士遇之入南雍每奏一藝大司成周公如盤歎爲曠代奇才顧公宗孟擊節賞之謂其文

永新縣志

卷十六

人物志

列傳

四十二

當公海內十試鄉闈弗售每榜放人皆以中男下第爲恨而中男泊然不少奪其豪邁之氣遍遊吳楚浙閩燕趙齊魯諸名公巨卿如鍾伯敬譚友夏艾千子輩皆折節下之陳大士序其文云可上爲人古人自命介然不欺其志予社中最號有得者可上大力其人也顧巖史云可上自命以古人自任以天下其取重諸名宿如此居恆敦行誼事繼母孝常傾貲免弟於難後學聲名未立者獎成之尤篤於交情良朋急難匍匐拯之其天性也北歸歿金陵道中海內深惜之所著憂內集凡四種首宦暨次宗藩次草寇次亂兵前輩謂其書成於神廟時其事竟符於數十年後深識卓見有名公巨卿所未及者惜散佚不傳其行



世者經濟名臣錄楊巖如說惟識頌贊時文稿後督學侯公峒  
曾景皋先型檄祀鄉賢新建表文達公選江右後四家稿可上  
居其一子善來有傳從康熙志文學子改入參禾川書

賀康載號青園善屬文每試輒第一性專靜常讀書古剝瞑目端  
坐百慮盡捐十里外足音蹙然如在跬步閒從遊者如雲其教  
人以戒奔競絀奢華爲先謂行文以氣以神奔競則神薄奢華  
則氣浮欲求佳文是南行而北其轍也萬歷中與從兄康衢同  
舉鄉薦鄒忠介常稱之曰如青園者可謂真孝廉矣謁選得西  
安令廉慎自矢所得月俸皆充公費不以入署曰勿令妻子見  
也其爲治悉本至誠聽訟務在得情邑多逋賦康載輕徭革羨

永新縣志

卷十六

人物志

列傳

四十三

不事鞭朴而歲額自完簿書之暇手不釋卷曰吾以讀書起家  
當以經術治民一日不讀書則神思昏憤臨政茫然時魏瑞緹  
騎所過皆騷動過西安爲康載所挫歛跡去曰吾奉魏上公旨  
逮公卿如縛雞今乃見辱於強項令耶在西安四年民戴之如  
父母上官薦舉卓異然貧無以餽都門僅循資擢兗州同知百  
姓相率叩閭乞久任弗遂閉城門不聽行及行攀舟號泣者萬  
里康載嗜橘各籠橘來餞老翁村姬從山均出亦籠橘攀號  
而至康載各收其一曰昔劉寵取一錢吾取一橘而已至兗廉  
慎如西安時奔母喪歸哀燬成疾卒之日囊無餘俸門人以西  
安兗州皆產絹索絹爲歛會無一縑其廉如此所著古文燬於



兵燹已梓者唾草烏賦役定議子貽孫

參康熙志禾川書

貽孫字子翼九歲能文稱神童弱冠隨父任西安下帷發憤每出一藝卽爲徐子卿方孟旋兩公所稱賞比之唐荆川顧涇陽焉時江右社事方盛貽孫與萬茂先陳士業徐巨源曾堯臣諸名宿結社豫章社選諸刻皆推爲領袖侯廣成按試吉州一見其文擊節嘆服謂之曰吉陽營壘雖煥然大將旗還當屬子其取重當時如此國變後高蹈不出順治辛卯學使樊公纘前慕其名特列貢榜報騎入門拒不納又六年御史宜公重光按部至郡欲具疏以博學宏詞特薦書且至貽孫愀然曰吾逃世而不能逃名名之累人實甚吾將變名而逃焉乃剪髮衣緇結茆深山無復能蹤跡之者貽孫於書無不讀經史百家詩詞歌賦皆箋註成書尤殷殷以立品自勵嘗訓子弟曰秀才時不傍人門戶他日得志必能砥飭廉隅不作呈身御史也且爲文與作人非兩途今人入場搦管輒思剽竊補綴以欺有司文品卑矣一旦倖售奔競如鷺人品安在吾願爾曹弗爲也生平尙氣節不治生產與朋友交歷患難死生不渝事親孝兄弟友愛老而彌篤晚年家益落布衣蔬食毫無愠色惟日以著作自娛云所著有易觸詩觸詩筏騷筏史論激書掌錄水田居詩古文集

從乾

隆志文學政入泰禾川書

永新縣志

卷十六

人物志 列傳

四十四

劉光震字肩吾昇曾孫運子也幼以孝聞尤善事繼母攻苦博學



領天啟鄉薦登崇禎進士改授漳州教授作興士類文風丕變  
黃石齋太史稱爲今之胡安定尋遷國子助教歷南儀曹卽出  
守宛州充經白蓮殘破後戶多逃亡前守用重典民益不堪光  
震至除苛政却厚賂汰冗費復孟氏祭田羣呼劉夫子曾有中  
貴奉差過充左右例請郊迎光震厲聲叱之稱疾不出其剛介  
類如此時東省久不雪光震齋宿靈禱詰旦雪深三尺徧充所  
轄院司嘆爲至誠格天曾若行聖公皆致幣稱賀甫六月而政  
化丕著先是光震在儀曹曾疏劾甯南侯忘謁孝陵侯銜之至  
是以幕客乾沒事誣光震所薦士民數千人詣闕爭訟廉平調  
雷陽守政簡刑清猶治死也雷數苦寇掠光震部勒城守禦之

永新縣志

卷十六

人物志

列傳

四十五

事聞上大嘉獎錫之賜銘曰勒鼎世守有西湖久淤光震適勸  
農過其地泉水湧出田賴以溉雷人德之稱爲劉公泉建生祠  
於蘇文忠公祠左秩滿陞雲南洱海副使進秩太常寺少卿念  
母老歸養聞闖變望闕號泣鬱憤病卒著有奏疏稿翼雲堂詩  
古文遺集行於世子雷奮龍奮皆以文行世其家

參康熙志禾川書

國朝

楊嘉瑞號興符少負大志值海氛未靖與兄嘉珍投轄於總制卽  
公委職從戎累著功績歷官龍門都閩海疆益播亂隨師南征  
擢叅將抵漳州見外洋逆艘內地萑苻猖獗戮力征討克復天  
寶等寨進勦海洋復廈門諸島授總兵時臺灣尙阻聲教爲南



顧憂乃奉 命先取花嶼各島繼取澎湖賊所據爲門戶者無  
不克乘勝破竹而西嶼頭等三十六島悉平僞藩公侯伯及大  
小將弁咸歸欵於是亘古未開之疆域均入版圖功加十二等  
爵 予世襲猶以南澳非嘉瑞弗鎮澳孤峙海中荆棘迷蔓弗  
可居嘉瑞親督士卒開荒構舍建城垣立塘泚設義學題定文  
武生二名慮流鴻乏食捐貲採糴以脩經營區畫儼然如中土  
晚攝廈門提督積弊剔除屢疏乞休以原品致仕嘉瑞歷官三  
十餘年身經百戰獲城得地務在安民去之日民築祠祀焉子  
廷柱湖廣督標副將 乾隆志武勳改入

劉作樑字木生號虛巖性浩落有異才不隨人拘擗幼入庠屢試

永新縣志

卷十六

人物志

列傳

四十六

名不出第一讀書文塔與諸名士結雁塔社刻稿行世爲文手  
眼獨出而一歸老成中己卯亞魁順治戊戌成進士授粵東歸  
善令邑爲東坡謫居之地政暇臨水登山爲詩文以寄意時有  
大蘇海外文字之目是時 王師進勦諸劇寇軍務旁午樑調  
劑有方丈吏稱之曰能鄰邑亦視以爲的邑人懷其德立祠於  
白鶴峯東坡故居之左尋補新昌令薄賦輕徭興利革弊講鄉  
約建學校修志乘政簡刑清訟獄衰息爲政務持大體而亦不  
遺細微當時推爲神明宰以積勞卒於官囊無餘俸所得士如  
呂董諸子皆浙之名士所著有敬修堂集祀郡邑鄉賢祠子蔡

乾隆志



棻字香山以拔貢爲荔波令荔波處粵西窮邊遍地皆苗無禮教號難治前令多以化外置之棻至招流亡墾荒蕪捐貲創學宮設義館延師教學請於學使王公拔俊秀者八名給衣頂與文廟祭詳請本邑歷代名宦三人創修邑乘又捐廉修縣署城隍廟諸公處規制一新荔波知有文教自棻始所著邊聲二卷皆政迹也謝事歸里遠近涕泣送之

採邊聲集補

曾之傳字惕若號石岳事親孝父喪廬墓家貧羞干謁性穎異博覽羣書成一家言康熙癸酉領鄉薦寓京師與海內名俊詩文相角辛卯授安溪令安俗屯米故有飛灑鉤隱花紅入官之弊之傳清查歸一悉除之又捐建考亭書院公餘課士銳意作興

永新縣志

卷十六

人物志

列傳

四十七

大學士李公光地撰記美其政績兩校鄉闈所得皆知名士卒於官安民設王配享書院門人李清載表其墓所著有石巖文稿雙江詩集行世

乾隆志

龍科寶字子重號因菴康熙鄉舉母賀氏才女也幼承母教下筆空靈淡宕每爲名流所折服工書法楷仿歐陽率更草寫鐵門限點畫逼肖不肯示人以拙性莊靜寡言笑不衣冠不見客客并衣冠亦不之見尤慷慨好義邑中大利害捐貲興除家故饒坐是中落弗少悔晚爲上虞令多善政越二年以老病乞歸杜門著書家徒四壁怡然也卒年八十七著有杜詩顧註輯要龍溪草堂初二刻行世陳鵬年爲之序

乾隆志文學改入泰禾川書



蘇作睿號鳳岡夙負異質下筆千言立就試輒冠其曹肄業豫章書院爲張損持太史所器時奉新帥公念祖新建周公學健才名籍甚作睿與之韻頗稱帥蘇周雍正二年聯捷成進士授江南六合令摘奸發隱聽斷如神革田糧宿弊禁差役橫索尤加意文教纂邑乘創義學進邑之俊秀督課之政暇躬自論文壘壘不倦時大風壞民廬舍作睿首捐三百餘金各憲相繼捐賑民賴以安常捐廉建廠倉修縣獄設普濟育嬰堂又革雜差定牙用惠行旅六合宦蹟志稱其克威克愛美不勝書者以此歸田後絕跡公庭事親能得其歡心初從周瀾軒先生學敬事如所生比瀾軒自都旋道卒遣人數千里經紀其喪又爲搜刊遺

永新縣志

卷十六

人物志

列傳

四十八

文人咸義之所著有墨雲齋詩鈔節禾川書

賀祥珠號容川幼穎悟稱奇童由選拔以五經舉於鄉登癸丑進士授六合令判決如流獄無淹囚民歌曰蘇公去賀公來桁楊無人四扇開歷署宿遷寶應蕭縣寶山諸縣事攝徐州松江通判篆所至挾伏鋤奸興利除害治聲卓著海防河務佐理尤爲盡善去寶山日父老攀轅請留弗許縉紳士爲詩數百首贈之名曰海邑謳思題授丹陽丁外艱服闋補甘泉邑最衝繁值聖駕南巡供帳厨傳毫不擾民歲大祲請賑

命未下先捐廉給粥米全活甚衆郡稱賀生佛却鹽場規銀毀淫祠俗爲之變蒞治五載母老告歸泉人懷之刊去思碑祥珠



性孝友又常分祿以與族戚之貧者工書法精彈碁飲酒數斗不亂自謂三長所著有五經考廿一史評四明堂詩集節禾川書

戴高雍正壬子副貢考授覺羅官學漢教習期滿以知縣選用得湖南新化令新化舊無試院高至首捐廉倡建并築城垣修志乘在任九載善政甚多士民頌之憂歸以詩書訓後著有南歸

紀程草孫開岐道光志稿

開岐號西浦為文一進先正乾隆己酉以第三人舉於鄉官陝西歷署涇化延長武功鄠縣等篆所至以廉明稱道光志稿

龍能勳字治西號省軒乾隆戊辰進士任湖南藍山令興利除弊威愛並用民徭畏服引病歸士民感其德立碑以志去思道光志稿

永新縣志

卷十六

人物志

列傳

四十九

譚尙适字經防號容亭乾隆壬申鄉舉仕山東歷攝青城費縣冠

縣篆所至有政聲補城武鋤奸剔蠹杜絕苞苴崇先聖族特

為請免辦差著為令有數疑案立判決人服其明斷邑大水尙

适設法賑濟甚為大吏稱賞調曹縣歲饑疫大作尙适捐廉干

金設廠施粥民賴安全又值大旱齋宿步禱三晝夜甘霖大沛

人咸謂德政所感卒於官士民皆流涕程蘭居詩稿登岱

草孫璜道光己酉以第四人舉於鄉道光志稿

李森字韡鄂號春谷父中柱邑諸生品端學優教授鄉里從遊多

所成就精岐黃濟人甚眾董建邑西聯珠書院森幼穎異髫年

補弟子員務經學兼通天文地理筮算諸書尤邃於易以丁未



進士籤分廣西初任思恩縣甫下車訪問地方疾苦及治民之要條上書萬餘言鄭中丞祖琛深器之森有經濟才尤以誠感民邑宿弊革除殆盡案牘紛繁剖決平允倡復環江書院捐廉給獎士民大悅服己酉分校鄉闈屏絕干謁所取皆知名士尋值寇亂以辦糧臺功陞知州庚戌賊圍武緣城邑令身故上臺知森幹畧委攝篆森募勇數十人星馳赴任至中途偵知賊勢甚劇乃飛移思恩城守出兵合勦以爲聲援賊聞遁去武緣號疲難惟買補倉穀官有餘潤森革之不以擾民又衍行保甲團練法築隘塞險爲固守計鄰邑上林賊警森馳堵羅峯隘賊衆數千突至勇丁半逸去賊首望見呼曰此武緣李青天也戒勿

永新縣志

卷十六

人物志

列傳

五十

犯相率下馬羅拜責以大義皆感泣自引竄嗣聞賊聚龍母墟率團衆擊之斃其首逆追捕至大鳴山搜勦淨盡所獲財物悉賞練衆論功概歸紳民不爲己力在任一年以勞瘁致疾卒邑人號泣如喪父母立主徐周二公祠著有周易易簡若干卷同人號泣如喪父母立主徐周二公祠著有周易易簡若干卷同

治四年中丞沈公葆楨

題請祀郡邑鄉賢祠

新增

盛昂字梅陔號春暉幼能文家貧課徒自給屢試不售年三十餘始補弟子員辛丑成進士官四川歷署營山雲陽德陽等縣所至有循聲德陽舊有拒捕傷人巨案前令以捫匪稟報上臺欲動兵勦之昂下車申請緩勦旋計獲首從十餘人罪有差地方安堵在任一年聯保甲建學宮若賓與采芹諸會悉董成之去



之日父老泣送百里外時制軍琦飭後任有該令承賢能後蕭  
規曹守或可不至疎虞等語其見重上臺如此旋補萬縣以憂  
歸家居清儉如諸生時咸豐乙卯髮匪踞邑城曷攜家避湖南  
大兵至乃歸賊踞郡尋集邑紳籌辦糧餉督勇助勦城復以功  
保陞同知卒於家

新增

曠成春初名思城字峻垣號琴仙學問

學問工詩古文詞嘗受學

於廬陵陳孝廉黃瑞深器重之中嘉

中嘉卯舉人九試禮闈入

膺房薦寓京師十二年所與遊皆名下

名同郡王公贈芳周公

作楫時在翰苑同會文課目爲畏友道光壬午登明通榜補實

錄館膳錄選授湖北漢川知縣循聲卓著卸任時士民歌詩以

永新縣志

卷十六

人物志

列傳

五十一

誌去思復改蘄水江夏兩縣治化亦如之江漢有二賢祠以成

春生王配焉尋陞武昌同知罷歸課徒自給著有詩古文集若

于卷

新增